

RENUNSA DI DIREITUS DI RÉU

NUMÉRU DI PRUSÉSU

**Tribunal di Justisa di
Massachusetts
Tribunal Superior**

NÓMI NA KAZU:

VS.

Skrivon di
Tribunals

Kondadu



NÓMI DI TRIBUNAL I NDERÉSU

Es traduson ta sirbi sô pa referénsia. KA ntrega-l pa Tribunal. 11/22/2022

N konbersa sobri kazu(s) mensionadu li di riba ku nha adivogadu. N ntende ki na oferese diklarason di kulpadu, N sta renunsia kes sigintis direitus konstitusionals i legals: di ser julgadu pa un juri, ò pa un juis(za); pa konfronta i interoga tistimunhas; pa aprizenta nhas propi tistimunhas i aprizenta próva na nha diféza; pa mante en silénsiu i afirma priviléjiu di ka inkrimina nha kabesa; pa ser prizumidu inosenti ti ki N provadu kulpadu pa alen di kalker marjen di duvida; i pa pursigi kalker proposta na nha kazu. N ntende tanbe ma N ta renunsia direitu di apela kalker disizon ki dja foi tomadu pa tribunal, aménus, ki pur akordu skrita entri mi ku prokurador, arkivadu na tribunal, N ten rezervadu direitu di apela di kalker disizon ò disizons spesifiku ki, si el anuladu na apelason, el ta bira kazu di Commonwealth nau válidu na un ò más akuzasons.

Nha adivogadu(a) dja aviza-m di naturéza i iliméntus di akuzason(s) ki N sta oferese nha diklarason di kulpadu, i di naturéza i alkansi di posível péna(s) na kes akuzason(s), inkluidu másimu sentensa(s) posível, kalker sentensa(s) minimu obligatoriu ki pode aplika, rezultadu si liberdadi vijjada ser aplikadu i kes kondisons violadu i kalker pena diferenti ò adisional di infrasons subsekuentis.

- [MARKA SI KEL-LI TA APLIKA] N foi avizadu di kel lei di dilinkuenti abitual i di rezultadus di N diklara kulpadu di kes akuzasons atual.
- [MARKA SI KEL-LI TA APLIKA] N foi avizadu ki pur ter diklaradu kulpadu di kes akuzasons atual, N pode sta sujeitu a julgaméntu komu un pesoa seksualmenti prigozu i obrigadu pa rejista komu un agresor seksual.

N foi avizadu di kel rekomendason di sentensa ki ta ser fetu pa prokurador.

Nha diklarason di kulpadu ka é un rezultadu di N ser forsadu, amiásas, garantias ò di promesas. N disidi diklara kulpadu voluntáriamenti, i di livri vontadí, i nau ku orientason ò pur kauzâ di rekomendason di otu pesoa.

N sta konvensidu ki nha adivogadu(a) di diféza reprizenta-m di manera efisienti i konpitenti. N tevi tenpu sufisienti di pâpia ku el sobri kalker posível diféza ki N pode ten pa akuzasons ki sta indikadu li di riba i el splika-m rezultadu di nha diklarason di kulpadu i renunsia di kalker direitu konstitusionals ò legals.

N ka sta nes momentu na, ò sob influensia di, kalker dróga, medikaméntu, álkuol ò otus intoxikanti ò kalmanti ki ta podia afeta nha kapasidadi di ntende kompletamenti kes direitus konstitusionals i legals ki N ta renunsia óras ki N diklara kulpadu.

N ntende ma si mi N ka é un sidadon di Stádus Unidu, un kondenason na kazu(s) ki sta mensionadu li di riba, pode rezulta na nha diportason, proibison di entrada na Stádus Unidu, ò negason di naturalizason.

Data

Inprimi Nómi di Réu

Sinatura di Réu

APROVASON DI ADIVOGADU(A) DI DIFÉZA

N ten konbersadu ku nha klienti tintin-pa-tintin sobri próvas na es kazu i rekumendason di diklarason, i N ten avizadu Réu sobri tudu asuntu ki sta dentu di stenson di Régra 12 di Régras di Prosésu Kriminal di Massachusetts ki é pertinenti a diklarason di Reu, inkluindu ter informadu Reu di se direitus konstitusionals i legals, bazi konkrétu i naturéza i iliméntus di krimi ki diklarason di kulpadu sta ser oferesedu, kes posível difézas i rezultadus di diklarason di kulpadu.

Dipôs di ter splikadu pa Reu kel ki sta li di riba, N sta konvensidu ki Reu ntende nha splikason i rezultadus di se diklarason di kulpadu. Alen di kella, N sta konvensidu ma Reu ka sta sob influensia di ninhun dróga, medikaméntu, álkuol, ô otus intoxikanti ki pode afeta se kapasidadi di ntende kompletamenti tudu kes direitus konstitusionals, legals i/ô otus direitus ki Reu ta renunsia pa oferesediklarason di kulpadu pa kes akuzason(s) indikadu li di riba.

N ta diklara pa Tribunal ma Reu sina es dukumentu na nha prizensa di livri vontadi i voluntáriamenti.

Data _____

Adivogadu pa Reu _____

Nunbru di BBO _____

Revizadu 9/7/2022